



Broj: 08-06/5-11.2-2-807/26

Dana: 10.06.2026. godine

Na osnovu člana 64.stav (1) tačka a) i člana 70, stav (1), (3) i (6). Zakona o javnim nabavkama („Službeni glasnik BiH“ broj 39/14, 59/22 i 50/24), a na prijedlog Komisije za javne nabavke imenovane Rješenjem broj: 08-06/5-04.2-3-2571/26 od 06.05.2026. godine, utvrđen u Zapisniku o pregledu i ocjeni ponuda broj: 08-06/5-11.2-2-807/26 od 10.06.2026. godine, u postupku javne nabavke nosivog hemijskog spreja za kontrolu nemira, provedenog putem otvorenog postupka, direktor Uprave policije Ministarstva unutrašnjih poslova Tuzlanskog kantona donosi:

ODLUKU o izboru najpovoljnijeg ponuđača

Član 1.

Prihvata se prijedlog Komisije za javne nabavke broj: 08-06/5-11.2-2-807/26 od 10.06.2026. godine u postupku javne nabavke nosivog hemijskog spreja za kontrolu nemira, objavljeno na Portalu javnih nabavki broj: 23100-1-1-33-3-33/26 od 14.05.2026, dana 15.05.2026. godine objavljeno u "Službenom glasniku" BiH, broj: 34 i ugovor se dodjeljuje ponuđaču - "KM TRADE" d.o.o. Visoko u iznosu od 170.500,00 KM bez PDV-a, odnosno 199.485,00 KM sa obračunatim PDV-om slovima: (stotinudevedesetdevetiljadačetiristotineosamdesetpet i 00/100 KM).

Član 2.

Ova Odluka objavit će se na web stranici Ministarstva unutrašnjih poslova Tuzlanskog kantona u skladu sa članom 70. stav (6) Zakona o javnim nabavkama BiH („Službeni glasnik BiH“ broj 39/14, 59/22 i 50/24).

OBRAZLOŽENJE

U otvorenom postupku javne nabavke nosivog hemijskog spreja za kontrolu nemira za potrebe MUP TK – Uprava policije, objavljeno na Portalu javnih nabavki i Obavještenja o javnoj nabavci broj: 23100-1-1-33-3-33/26 od 14.05.2026. godine, objavljeno dana 15.05.2026. godine u "Službenom glasniku" BiH, br. 34.

Do krajnjeg roka za prijem ponuda koji je bio 05.06.2026. godine do 12:00 sati, zaprimljene su ponude sljedećih ponuđača: „DANIAL 'S“ d.o.o. Tešanj i „KM TRADE“ d.o.o. Visoko.

Nakon analize dostavljenih ponuda od strane komisije za javne nabavke, sačinjen je zapisnik o pregledu i ocjeni ponuda broj: 08-06/5-11.2-2-807/26 od 10.06.2026. godine, pri čemu je utvrđeno sljedeće: Ponuda ponuđača „DANIAL 'S“ d.o.o. Tešanj ocjenjuje se kao neprihvatljiva, u skladu sa članom 2. stav 1, tačka 1) podtačka 2).

Ponuda ponuđača „DANIAL 'S“ d.o.o. Tešanj se odbija iz daljeg postupka javne nabavke iz sljedećih razloga:

Ponuđač DANIAL 'S d.o.o. Tešanj u svojoj ponudi nije dostavio ovjeren od nadležnog organa tehnički list izdat od proizvođača iz kojeg je vidljiva tehnička specifikacija traženog proizvoda kako je ugovorni organ naveo u tački 3.4.2. pod b) tenderske dokumentacije.

Tenderskom dokumentacijom ugovornog organa Aneks 3.1 - Opis i tehničke karakteristike traženog hemijskog spreja za kontrolu nemira - Sprej suzavac – veliki, traženo je da bude sa usmjerenim preciznim mlazom raspršivanja, a ponuđač u tehničkoj specifikaciji ponuđenog spreja nudi široki konusni obrazac raspršivanja.

Slijedom navedenog, ponuđač nije dokazao da ispunjava uslove tehničke i profesionalne sposobnosti propisanih tenderskom dokumentacijom, te se njegova ponuda odbacuje kao neprihvatljiva u skladu sa članom 68. stav (1) Zakona o javnim nabavkama Bosne i Hercegovine.

Komisija je također utvrdila da se ponuđač „DANIAL' S“ d.o.o. Tešanj se isključuje iz daljeg postupka javne nabavke iz sljedećih razloga:

Ponuđač Danial' s d.o.o. Tešanj u svojoj ponudi dostavio tehnički list izdat od proizvođača iz kojeg je vidljiva tehnička specifikacija traženog proizvoda koji nije ovjeren od strane nadležnog organa, kako je ugovorni organ zahtijevao u tački 3.4.2. tačka b) tenderske dokumentacije: tehnički list izdat od proizvođača iz kojeg je vidljiva tehnička specifikacija traženog proizvoda – original ili ovjerena kopija. Ponuđač „Danial' S“ d.o.o. Tešanj, je u svojoj ponudi dostavio katalog sa tehničkim karakteristikama ponuđenog hemijskog spreja za kontrolu nemira - Sprej suzavac –mali u kojem nije navedeno da ima mogućnost za usmjereni / precizni mlaz raspršivanja, efektivnog dometa do 5 m.

Na osnovu navedenog evidentno je da ponuđač Danial's d.o.o. Tešanj nije ispunio uslov iz Aneksa 3.1 opis i tehničke karakteristike traženog hemijskog spreja za kontrolu nemira

Slijedom navedenog, ponuđač DANIAL 'S d.o.o. Tešanj, nije dokazao ispunjavanje uslova u pogledu opisa predmeta nabavke i tehničkih specifikacija, te se njegova ponuda odbacuje kao neprihvatljiva u skladu sa članom 68. stav (4) tačka i) Zakona o javnim nabavkama Bosne i Hercegovine.

U tenderskoj dokumentaciji ugovornog organa, Obavještenju o nabavci objavljeno na Portalu javnih nabavki broj: 23100-1-1-33-3-33/26 od 14.05.2026 godine, objavljeno u "Službenom glasniku" BiH, broj: 34 dana 15.05.2026. godine, predviđeno je da će se u postupku dodjele ugovora provoditi E-aukcija.

Imajući u vidu odredbe člana 4. stav (2) Pravilnika o uslovima i načinu korištenja E-aukcije ("Službeni glasnik BiH", broj 80/23), ista se nije zakazivala za nabavku nosivog hemijskog spreja za kontrolu nemira, obzirom da je u postupku javne nabavke nosivog hemijskog spreja za kontrolu nemira zaprimljena jedna prihvatljiva ponuda.

Primjenom kriterija najniže cijene za dodjelu ugovora i ocjene ponuda, Komisija predlaže direktoru Uprave policije MUP TK-a, da donese Odluku o izboru najpovoljnijeg ponuđača, i ugovor za javnu nabavku nosivog hemijskog spreja za kontrolu nemira zaključi sa ponuđačem „KM TRADE“ d.o.o. Visoko, s obzirom da je isti dostavio prihvatljivu ponudu s najnižom cijenom u iznosu od 170.500,00 KM, bez PDV-a, odnosno 199.485,00 KM sa obračunatim PDV-om slovima: (stotinudevedesetdevethiljadačetiristotineosamdesetpet i 00/100KM).

U postupku je utvrđeno da je Komisija za javnu nabavku u svemu pravilno postupila, te da je prijedlog o dodjeli ugovora ponuđaču „KM TRADE" d.o.o. Visoko, dat u skladu sa Zakonom o javnim nabavkama i tenderskom dokumentacijom i kao takav se u cjelosti prihvata.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi putem ugovornog organa u roku od 10 (deset) dana od dana prijema iste u pisanoj formi, u dovoljnom broju primjeraka, koji ne može biti manji od tri.

Dostaviti:

- ponuđačima
- a/a



**DIREKTOR
GENERALNI INSPEKTOR POLICIJE
Elvir Mahmutović**